

Pittailini Pittiangitaunittalvani Havakviuyumi – Hunauyuq qanuriliuriamiklu atuqtaukpat

Maliktaghat maligaliqiniqmut
inuuhigattiarriqumullu ikayuutit

QAYAGILUHI:

Una titiraq mighaaguuqtuq inuunialattiniqmik pimmaqluktittiniqmiklu havakvingnit. Hapkua naunaitkutat ihumaalungnautilaaqtut ayuqnaramik unipkaanguyut. Aghuuqhuhi ilingnik qanuq parnaihimaluhi ihumaqattiaqtumik. Itqaumagiquyaffi qanuq munariyauyumayutit hapkua taiguaqtaarumik. Pivighat ikayuqtighat takuinnarialgit makpiraq 22-mi.

1

Ilitturinia ihuilruq: *Hunauyuq havakvingnit inuunialattiniq?*



Hunat ilihimayaghatit:

Maligaliuqhimayut ihuaqhainahuaqpaktut inuunialattiniqmik havakvingnit Nunavunmi taapkuanguyut:

- Nunavunmi *Amirnainniqmut Maligaq*
- Nunavunmi *Havakvingnit Aanniaqtailiniqmik Aanniqtailiniqmiklu Maliktagaghat*; taamnalu
- Nunavumi *Inuit Nangminiigutikhait Pikuyakyuak* (inukluhuutinut inuunialattiniqmut)

Havakvingnit inuunialattiyut taimaittuq tuharuminaittunik uqaqhutik pitquhiqaqhutikluuniit amirnautauyut havaktimut aanniqtailiniqmut. Taimaililaaqtut:

- havakvingnit havangnaqtillugu;
- akunngani havaktiit havaktiunngittullu havaktillutik, taamnatut niuviqtitut kaantulaaktiluuniit; taimaalu
- havakvium hilataani havangnaiqtillugulu, kihimi atatayut havakvingnut. Taimaatut, haalitiqtuni quviahulukaaqtuni talvaniluuniit havakvium katimavianit.



Ilittuqhitiuyut inuunialattiniqmut taapkuanguyut:

- inuunialattiyut
- aanniqturiniagtut
- ihuilutauyunik uqauhiqnik uqaqhutik, mitaaqtut, nulurautaugullu
- inuilrumi avallinngaaqtittiyut
- ihuinaaqtittiyut aallam havaanginnik
- ahiruiyut aallat nanminiinik
- uqamiluutiyut ahinik inungmik uqamilukaaqtullu
- akihaqturnumayut inungmik ilauhimagamik inuunialattihimayut unniqluutainut ihivriqtauyunikluuniit

Inuunialattiyuq inuk ilihimayughaq taimaa uqauhiit tuhaqtauyumangittuq pitquhialu takuyayumangittuq. Ilangi ilittuqhitiuyut qanuq inuk ilihimayaaghainik taimaa uqauhiit pitquhiallu piyumayaunngittut:

- unniutjauhimayut hivuani taimaa uqauhia pitquhialu piyumayaunngittut;
- ilihimayut taimaa havaqataat kiinarlughimayuuq uqauhikkut pitquhikkulluuniit; taimaaluuniit
- havakvingnit inuunialattiniqmut maligaghagaqtut

Inuunialattinngittut atannguyait munaqhivakkumi upluq tamaat havaagharnik havaktitut. Taapkuatut, inuunialattinngittut atannguyait taimailiurumik:

- atuqtittivalligumigik havakvingnit maligaghaliuqhimayut;
- taniqtuigumik ilingnik;
- uqautjivakkumik tuhaqtittigumikluuniit; taimaaluuniit
- ihivriurumiuk havaatit.

Kihimi, atannguyait taimailiupakkumi ihuinaaqhimaluni, taimaa aanniqniaqturigumik, inukluhuktumikluuniit attiqhigumi ilingnik, taimaa inuunialattilaagtut.

Hunauyuq nularlugahuaqtut inuunialattiyut?

Nularlugahuaqtut inuunialattiyut inuunialattivaktut nularahuaqhutik. Taimaa timitigut aktuqhiplutik, nuluraqhutik qanuriliuqhutikluuniit. Uqauhiulaaqtut uqaqhimayut titiraqhimayulluuniit kamahuktittinahaqhutik angutaungmangaat/arnaungmangaat. Taimaa inuk nularumapluni uqautilaagtut havaqatainut nularumayutut ikayuqtainik. Taamna uqauhiq uqautiginngitkaluaqhugu havaqataita, nularumapluni uqauhiq havaqatingnik kamahuktittilaagtut.

Atauhiq nularumaplutik inuunialattivaktut taimaa inuk aittuqhiyumapluni havaaghatut himmiqtuiyumaplutik nuliaqlutik. Taimaatut, havaaghaniktittiyut hivumuuqtittiyullu havaamingnik nularumaplutik.

Atauhiqlu ilittuqhitiuyuuq nularumaplutik inuunialattiyunik taimaa inuk qunngiaqpakkumik uhinngayunik havakvingnit, kamahuktittiplutik ahinik havaktinik.



Hunauyuq inukluhughutik ihumaplutik inuunialattiniq?

Inukluhughutik ihumaplutik inuunialattiniq inuunialattivaktut ihumagiplugit kitukiat hapkua:

- uvinia
- ivitaat
- qattanngutait
- uviniqatai
- nunaqatigiingmiyuq
- nakinngaaqhimayut
- ukpiruhuutait
- angatjuviat
- ukiugiyat
- timiqlutait
- arnaugumi/angutaugumi
- nuliaruhia
- arnauyaaghait/angutauyaaghait
- arnauyaaghainut/angutauyaaghainut
- ilittuqhitit
- aippaqariaghaat
- ilaigut
- hingainiq
- maligaliqiyikkut manighiurniqmut
- ihuinaaqhimagumik (hapkutitauhimaguvit)

Ihumagiyaulaittuq taamna inuk aamingapluni inukluguhukkumi taplvuuna. Ihumagiyauvaktuq kihimi taimaa inuklugiyauhimayuq.

Atannguyait munariyaghaatit inuklugiyauttaililit inuunialattiyunik. Havakviit maligaghaqaqtughat inuunialattiniqmut ilittuqhitilunilu havauhiqnik naunaiqhitiniqmut inuunialattiyunik uniqluutunik ihuaqhainahuaqlutiklu inuunialattiyunik ihivriuhiyut.

Havakvingnittauq pimmaqluktittiyut?

Havakvingnit pimmaqluktittiyut pimmaqluktittiyunit aanniqhivaktut timingnik avaliinngittuq. Ilauvaktuttauq pimmaqluktittinahuat pimmaqluktittiniaqturiyullu aanniqhilutik.

Hamma ilangi ilittuqhitiuyut havakvingnit pimmaqluktittiyunik:

- tiklughutik, pinguhiyut, tatihiyut, tukkaqtut;
- algait kiyuaqhugu, ahiruqtiriyut nanminiqnik, iqqalukaaqtut hunavalungnik; taimaaluuniit
- aanniqhinaqturiyut inungmik.

Havakvingnit pimmaqluktittiyut havaqatigiignit nuihayuittuq. Inmingnik ihuilutaulaaqtuq hiamitittiyuq havakvingnut, taimaaluuniit ilaupkailiqpaktut inungnik havaqataunngittut havakvingnit. Taapkuatut, atannguyait ilihimagumi ayuqhautiqariaqnik ilagiingnit (aimavingnit ningaqtut) aimavingnit, taimaalu pimmaqluktittiyuq ilingnik aanniqhinahualaaqtuq havakvingnit, atannguyavit amiriyaghaatit havaktillutit.

ITQAUMALUTIK: Katitiqhutik itqaumayarnik

Ilihimmattiariami atuqhimayat ayuqnaqhilaatuq kihimi ikayuutaulaaqhuini atannguyanut avpiqhuyit kivgaqtianullu ilihimmattiariamik atuqtat. Ihumagilugit hapkua apiqhuutit titiraqlugit kiutjutitit:

Nani inuunialattiyauhimavit?

Qanga inuunialattiyauvit? Puiguqtailinahaqlugit upluit humunngaqtumilu upluqhiutikkut ayuqnaitpat.

Qanuq ilagiikpihi inuklu inuunialattinahugiyat?

Hapkua atuqhimayatit atavavat kitunut titiraqhimayunut ataagut taamna "Hunauyuq inukluhugutik ihumaplutik inuunialattiniq?" makpiraq 3-mi?

Aktuqtauhimavit timikkut, tuhaqhimavit uqauhirnik nuluraqtauhimavilluuniit pitquhirnut arnatut angutitut, amirnaqhihimavaluuniit pitquhirnut arnatut angutitut havakillutit?



Munariplutik ilingnik:

Ikpigiyaulluaqpaktut, kiutjutaulluaqpaktut, ihuaqtullu uqauhiit:

Inungmik havagiaqtuqayuittuq naahuriplutik taimaa uqamiluutiyaayaamik, hulyaayaamiklu avaliinngaaqtitaayaamiklu. Taimainniqqat, aallanngayumik ihumannaqtuq havakvingnik, havaqatingnik uvaptingniklu.

Ikpingnaqhilaqtut inuunialattiyut pitquhiit timingnut ihumangnullu. Taimaa ikpiguhungnaqniaqtuq:

- ighilutik
- naluqharniq
- ukpirnailluni
- irhiuqtuq
- mihingnaiqlutit
- naptuhiumik naarnit
- aumaaluklutit, taimaa kiinnat uunnaqtutut
- aangayaaqtutut, quklughimayutut
- ningakniq

Timiit kihilaatuq taimaa ilvit naluqhitkaluaqlutit inuunialattiyauhimayaarnik.

Ihumagiptitku inuunialattiniq ilgaangigut Inuit Pitquhiinut Ikpingnautit, ihumanaqtutit taimaa ukpiruhuutit (*ukpigusungniq*) ahiruqhimayutut. Ilingnik apirilaagtutit taimaa atuhaaqtat ilitturihaaqtat ukpiriyauniaqqa. Ihumagittiaqtat (*inuuqatigiittiarniq*) havaqatit inuunialattihimayuq ahiruqhimayuqtauq. Ukpiruhuutiyut havaqatigiit havakvingnit aghuurnaqtuq. Ukpiruhuutit ahiruqhimagumi, ihumalluaqniaqtutit ilingnik munariyaamik kipiklugillu atatarutit havakvingnut, uqaqatigihuiriamik huliqatigihuiriamiklu inuklu. Taimaa pitquhiuyuq amiqhinahuariamik. Havakviillu qimagumayumanaqtat. Aghuurnaqtuq hakugingniit atuqtittiyaami (*pigguniq/sannginiq*) inuunialattiyauqvit.

Pitquhiuvaktuq naluqhariamik qanuriliuriagharnik. Unaguhungniarungnaqhiyutillu ihumaliuttiriamik huliyaagharnik talvanngat. Inuit tamangnik aallangayut kiuhiplutik unaguhungniqmut ihumaalungniqmut. Timingni ikpingnaqhilaagtut taimaa niaquqlingalutik, nukingni uluriahuklutik, mirianngulutik, aukpit kayummakluni, navgualu uluriahuklutik ahiniklu ikpingnautauyut naahurinniqmit. Naalaklugu timiit ikpiguhuutilu unipkaarutigilugu kinakiaq ukpiriyat qanuriliuqhimayumik.

Upluni qakugunngurumiluuniit huyuqaqtaaqat, ikpiguhukpangniaqtutit. Huyuqaqtaaqat ihuilutitik ikpingnautiqarniaqtuq piqpaginiqmik ingnmingnik ahiniklu (*naglingniq*), taimaalu qanuq ihumayaagharnik havakvingnik inighallu talvani:

- qaniqtut havaqataillu, aippallu ilatillu;
- quiliqtanaqtunik hinnaktuqtut ayuqhaqtulluuniit hinaaqhiyaamik;
- ihumaalungniq;
- tatamilirniq;
- ilumuunngittunik ihumayut inmingnik;
- aanniqtauquiyut inungnik; taimaaluuniit
- ayuqnaqhiqiaqqaat, inminiirumaplutik ihumayut.

Hapkua pitquhiuyut kiutjuhiit ihumaalungniqmut unaguhungniqnullu. Takulugu “*Nakit naunaiqpaalliriamik ikayuqtauyaamiklu*” makpiraq 22-mi naunairiamik nani ikayuqtauyaamik.


ITQAUMALUTIK: Katitiqhutik itqaumayarnik

Ilihimmattiarahuaqlugu atuqhimayat.

Qanuq ikpiguhukpit kinguani atuqhimayat? Ikpiknartuq? Timimun?

Qanuq ihumavigit taapkua Inuit Pitquhiinut Ikpingnautit qanuqlu atuqpangniaqqigit aularaariamik atuqtarnit?

Ihuaqhainahuaqtut ihuilutinik: Qanuriliuriaghat inuunialattiyauguvit



Hunat ilihimayaghatit:

Havaktiit pilaarutiqaqtut amirnaittumik inuuhiqattiaqtumiklu havakviqariamik inuunialattinnaittumi pimmaqluktitaunnaittumilu. Havaktiit pilaarutiqaqtuttauq inuklugiyauttailiniqmut ataagut taamna *Inuit Nangminiigutikhait Pikuyakyuak*.

Maliganit atannguyanik havaktiniklu havaqatigiiqutut amirnaiqhimayaamik havakviit.

Atannguyait amirnaiqhimanahuaqtaghaat inuunialattiyut nutqaqtittilugit pimmaqluktittiyullu atatayut havakvingnut havaanullu. Taimaatut, atannguyait maligaghaliuqhimayunik inuunialattiniqmut titiraqhimayunik pihimayughat havaktiillu naunaiqhimalugit. Atannguyait qakugunnguraangat ihivriuqtaghait amirnautit pimmaqluktittinahuuqtunik havakvingnit taimaalu unniutiluhilu.



Munariplutik ilingnik:

Ikpigiyauullaqpaktut, kiutjutaulluaqpaktut, ihuaqtullu uqauhiit:

Aghurnaqtuq hivumut ingilrayaamik (*sivummuarniq*) ihuaqhainahuaqlutik atuqtauhimayumik. Qanuq kiuvagiarnik ilvit ihumagiyat atuqtauyumit.

Ilaani nutqaquinnahugu inuk ikayuutauvaktuq. Ayuqnaraluaqhuni apuriamik inuk inuunialattihimayuq, inuit nutqaqpangniaqtut apiriyaugumik. Ihumagiyauttiariamik (*inuuaqtigiittiarniq*) havaqatingnit hivumut ingilralutik, aghurnaqtuq illituriyauyaamik tughariamilu mamiaqcutinik.

Piinnariaqaruvit, uqaqatigilugu inuk atauttikkut huliyuqaqtaaqat unniutilugit qanuq ikpingnautihimayuq pitquhia uqauhialu ilingnut. Nutqaqulugit. Ilingnik tautughugu unniutilaitkungni, titraqlugit qaritauyakkut. Amihuiqtumi, taimaa nutqaqtittivaktut pitquhiinik.

Uqaqtittiaqlugit taimaa kamahuktitauyutit uqauhiagut hulihimayaigullu, nutqaquplugulu atauttikkut. Ayuqnaittuq uqariamik taimaa, "*Taimailiughimagavit _____, ikpingnaqtuq taimaa _____.* *Nutqaquyagit tughiqtungga*". Tunngahukluhi ilihimaluhi taimaa naunaittut, amihuuplutik atuqtauymit, inuunialattiyut nutqarniaqtut.

Inuunialattiyut ilvit pilgaqhuqutigingitat. Ukpirilugit ihumatit, ilittuqhitilugit ahiit qanuq ikpigiyarnik.

Ikayuutauniaqtuq titirariamik qanuriliyuqaqat, qilamiurahuaqlutik:

- qanuq uqaqhimayut hulihimayaaghailu;
- kinakiaq;
- upluqhiutigut, uplua nanilu;
- atiiit kitukiat tuhaqhimayut tautughimayulluuniit;
- qanuq huliyauhimayuq hulivialluuniit ikpingnautihimayuq; taimaalu
- qanuq ayuqhautauva havainnarianingmut.

Ayuqnaqhilaqtuq ilihimattiaristik qanurilihimayaagharnik. Naluqharuvit unniutjiniaghimaguvit kinamikiaq huliyuqaqat, aghurnaqtuq titiraqhimayaamik ilihimayarnik.

Titirariamik hulihimayut pilihaaqtillugu ayuqnaitqiyauyuq ilihimattiaristik kinguani. Ihumagilugit Inuit Pitquhiinut ikpingnautit ikpigiyarnut (*suliniq*), ihumagiyarnut, mihingnautillu taapkunangga huliyauhimayunit. Ikayuutauyuq inutqingniqmut ikayuutaulunilu naahurittiarniqmut qitukpallangnaqtut ihumaalungniqmit.

Ayuqhautit nutqayuitpat, ilvit ihuaqhainahuaqtaghatit. Hapkua atuqtaugumik, atannguyait unniutilugu qanuriliuqtuqaqat ihumagilugit havauhiit atuqtaghat havakvingnit inuunialattiyunut maligaghaliuqhimayunit qanuq unniqlugiamik inuunialattiyunik.

Ilihimayauyuq atuqtauhimayunit taimaa nutqaquyaamik inungmik ilaani ihuilutauyut naammagiyauunngittunilu. Taimaatut, ayuqhautigigunni aanniqaqturiyut pimmaqluktittiyullu, amiqnaqhinaqtuq uqaunahuariami inuk. Ilingnik amiqnaqhimalutit. Ayuqhautigigunni qayangnaqtumik pimmaqlungnaqtumilu, hivayarumalugit RCMP–kut uqautilugulu atannguyait.

Naunaiqhitiyut Huliyuqaqtumik atannguyanut



Hunat ilihimayaghatit:

Havakvitit maligaghaliuqhimayait inuunialattiniqmut illittuqhitiyughaq havauhiqnik naunaiqhitiyaamik inuunialattiyunik. Hivulliqpaanguvaktuq havauhiq taimaa unniutilugu atannguyat. Unniqluutiqaruvit atannguyanut, maligaghaliuqhimayuq unniutiyughaq humunngauyaagharnut kinguani, taamnatut ahinut atannguyamut, Havaktighaliqiyit, havaktinulluuniit katimayit kivgaqtianut.

Uqaqatigiyumaniaqtat apiqhuyit kivgaqtia. Atauhiq uuktuinnarialik taimaa apirilugit Tapkuat Maligaligiyyit Kivgaqtit Katimayit Nunavutmi uqaqatigilaarungni apiqhuyit kivgaqtiit ayuqhautingnut. Nunavumi Maligaliuqtiit ikayulaaqtuttauq qiniqhiayunik apiqhuyit kivgaqtiinik. Takulugu makpiraq 22 pivighanik hivayaqtaghanullu naunaitkutanik.

Aallamik ihumaguvit kinguani ihumaliuqhimaguvillu nutqaqtittiyaamik unniqluutit, atannguyait huli ihivriurumaniaqtaat havaaghaqaramik amiqnaiqhimayaamik havakviit ihumagittiaramilu.



Munariplutik ilingnik:

Ikpigiyaulluaqpaktut, kiutjutaulluaqpaktut, ihuaqtullu uqauhiit:

Ayuqhautiqarumik qanuq ihumayaaptingnik huliyaaghapingniklu (“Nuliarumavakkumi inuunialattiapluni atannguyara, pattangniaqtara algaa ahinut uniuqutitigilugu qilaminuaq!”) taimaa kiutjuhiptingnut (“Huuq nipliqhimaittunga?”). Kamahuktailuhi ihumaaluktailuhilu ihumaguffi taimaa kiuhittiangitkuvit ihuaqtukkut. Aghurnaqtuq ilittuqhitiyaamik inuunialattiyunik nutqaqtittiyaamik pitquhiit. Naunaittuq hugihuirumayaamik ihuaqhaqtaiyaamiklu ihuilutinik. Unniqluutigiuyitkungni huliyaqarumi ihuaqhaiaamik inuunialattiyut hulihimayaitalu, havakvik timingnut ihumangnullu amirnaqhilaqtuq. Naunaiqhitiplugu huliyaahimayug iqhinaqhilaqtuq taimaalu hugihuirumanaiaqtat haningnunngaqlugu ihumagiyaghat.

Kamahuguiriamik naunaiqhitiyaamik huliyaahimayut iqhinaqtuugaluaq kihimi ihuaqtauyug nutqaqtittiyaamik pitquhirnik.

Naunaiqhitiyaamik huliyaahimayunik ikpingnaqhitilaqtuq ihumalutik amirnaqtunik, ukpiruhungnaittunik, naluqhaqtutut, mamiahuktutut, kiyuarumaniq, iqhilutiklu. Ikayuqtauyaamik hivuumuriamik (*sivummuarniq*) naunaiqhitiplutik, naunaiqhinahuaqlutik atannguyanit ahinillu ikayuqtinit qanuq naunaiqhitiyaamik, qanuq havauhiqariaghat, humiklu piyumaniaqtut ilingnit. Taimaa ihumaalungnaittuq, ilungnit hakugingniit (*pigguniq/sanniginic*) aularaattiarniqlu hapiqtailiplutik (*sapiliqtailiniq*) unniqlugiaik atannguyanut.

Aghurnaqtuq ilihimattiarumik huliyaqtaqtuq ikpingnautihimayug, qanuq naunaiqhitiqmut havauhiqtaqtut, qanuqlu tautugumayaagharnik amirnaqhimayaami havakvingnit. Aghurnaqtuq pivighaqariamik (*qanurturniq*) apiqhuiyaamiklu qanuq pilaarutiqariaghat uqautjauyaamilu naunaiqhitiqmut havauhiqnik.

Ihumagiyumanaiaqtatit hapkua:

- **Ilittuqhitiyut** – Qanuq inuunialattiyug ilittuqhitiqyut qanuq ikpiguhuktittiyut taimaalu pitqilaittaaghaanik? Qanuq naahurivit atannguyanit ilittuqhitiyaamik naunaiqhitiit unniqluutit?
- **Amirnaicniq** – Qanuriliuqtughavit amirnaqhimayaamik havakvingnit hivunighamilu? Humi ihumavit qanurilinahuquqniqhait? Iliqahiutilugit hapkua unniqluutitut, qanuqlu ikpigiyaaghat huliyaahimayunit amirnautigiyatit.
- **Ukpiruhungniq** – Ukpiriviuk atannguyat ihuaqhaiaumanaiaqtuq unniqluutitik, naatkutigiiktumik, ihuaqtumik inuklugihimaittumiklu?
- **Ihumaliurutit Munaqhityutitlu** – DPihimavigit naunaitkutut ihariagiyayut unniqlugiamik, ihivruqtauyaamik uqauhiqniklu ihumaliuttiarumik munariyaamilu ilauyaamik hapkununga havauhiqnut?
- **Nakliguhungniq** – Pittiaqhutik inmingnik ahiniklu inungnik ihumagittiaqhugit ayuqnaqtumi ihumaalungnaqtumilu aghurnaqtuq ihivruqhiyunik havakvingniu. Uqautilugu atannguyait kitut timingnut ihumangnullu ikayuutayut (taapkuatut ihumaqattiarniqmut uqautjiyit, havaktailihimallaktut, ihuaqhaqtauhimayug havakvigatit, qanuqlu) ihariaginiagahugiyatit ikpingnautinit huliyaqtaqtumit havauhiqniluunniit. Amirnaqtunik timingnut ikpingnautiqaruvit taimaatut auvit kayumikpat, takuyaqtuqlugit aanniaqtulugiyit qilamiuqlutit. 12 Pittailini Pittiangitaunittalvani Havakviuyumi – Hunauyug qanuriliuriamiklu atuqtaukpat.

Qanuriliuqpakpat naunaiqhitiangaamik inuunialattiyunik



Hunat ilihimayaghatit:

Atannguyait tuhaqnirumi unniqlutininuunialattiyunik havakvingnit, ukpiguhutaghait havauhiit maliklugit havakvingnit inuunialattiniqmut maligaghaliuqhimayut, maligaliuqhimayullu:

- Nutqaqtittiyughaunngittut ilingnut ikayuqtighaqhiuriamik maligaliqiyit pilaarutainut.
- Inuk tuhaqtitauyuq unniqlutininuunialattiyaghaat ihuaqtumut inungmut ataagut maligaghaliuqhimayut qilamiuqlutik.
- Atannguyait parnaiyaiyughaq aallannguqtighanik taamna unniqluutauyuq hanaqiyautillugu. Taimaa aghuurnaqluaqtuq ilingnut unniqluutauyumullu havaqatigiigiamik. Taimaatut, aallannguqtirilaqtut havakvighainut naunaitkutait, havaktailihimallaklugit akiliqtaulutik.



Munariplutik ilingnik:

Ikpigiyaulluaqpektut, kiutjutaulluaqpektut, ihuaqtullu uqauhiit:

Pitquhiyuq mamiahugiamik, naluqhihimayaamik, niriuriamiklu unaguhuklutikluuniit unniqluktaaqhimaguvit. Aghuurnaqtuq ilihimayaami taimaa inuqaqtuq atannguyavit ikayuqtighainik ihivriuqhiyughat. Atannguyait amiriyughaq munarittiaqlugu havauhiq. Ilaani atannguyait hilataanit ilihaqhimayunik ihivriuqhiyunik havaktittiniaqtuq taimaa havauhiq illitturinnaittaamik, tamatkiumayaamik inittiaqhimayaamilu.

Aghuurnaqtuq ilihimayaamik havauhiit ilaani hivituhilaaqtut taimaalu avaliinngaaqtutut ihumaniaqtutit. Utaqitjaringniit (*qinuinniq*) uuktuqtauvangniaqtuq hivituvangniarami havauhiit. Talvuuna, ihumaalungpangniaqtutit avaliinngaanaruhilutit. Aghuurnaqtuq ilitariyaamik aulapkaiyaamiklu hapiqtaiiplutik (*sapiliqtailiniq*) havauhiit iniqtauplutik, ilingniklu ihumagittiaqlutik, naahurittiaqlutiklu havauhiq iniqhilugu.

Ilangi havaqatitit aallanngurumik tajja, ihumaaluktailinahaqlutit unaguqtailinahaqlutillu. Ilihimalutit taimaa havauhiqattiaqtutit havaarnit, manighiuqtutit, amirnaiqhimaplutillu havakvingnit. Ihumaguvit taimaa kihinnguqtitauyutut havakvingnit inuklugiyauguvilluuniit, havaktighaliqiyit atannguyait uqautlugit.

Aghuurnaqtuq havauhiqattiarimik ayuittutut tamaat, ikpiguhuutit ihumatillu ayuqnaqhikpata. Qaritauyakkut tuhaqtittiyikkut unipkaaqtailugu, ahinut inungnut, atannguyanut havakvingnulluuniit. Hapkoa atuqtauyut ikpingnaqhikpata timingnut, aanniaqtuliqiyinit ikayuqtaunahaqlutit qilaminnuaq unipkaaqlugu ihariagiyaatit Havaktighaliqiyillu. Takulugu *Ihumaqattiarniqmut Ikayuqtit Pivighait* makpiraq 23-mi. Havakvingnit anitauttailinahaqlutit naunaiqhitiyuinnangnik (hiyayuittuq/takughauyuittuq), ihumagiyauniaqtuq atannguyanut taimaa taniqtauyughatut.

ITQAUMALUTIK: Katitighutik itqaumayarnik

Ilingnik apirilutit hapkuninnga:

Qanuq munariniaqqiuk atuqtat?

Kina ikayuqtigilaaqqiuk nunallaarnit?

Humunngaulaaqqit amirnaiqhimayaami?

Kitut Inuit Pitquhiinut Ikpingnautit aghuurnaqniaqqat ilingnut naunaiqhitiplutik?

Ilauyut Ihivriuqhiyunut



Hunat ilihimayaghatit:

Havakvingnit maligaghaliuqhimayuq ilittuqhiyughaq aallatqiingnik uuktuqtaghanik ihuaqhautighat inuunialattiyunik unniqluutininik. Iliqahiutivangniaqtait havauhirnik havauhilluaniklu.

Talvani **havauhiuyuni** iliqahiutilaaqtut hapkuninnga:

- unniqtuilutik qanuq ikayurahuariamik inungmik inuunialattiyaatit; taimaaluuniit
- aallanik ihuilutininik ihuaqhautininik, taamnatut katimaqatigilugit ihuaqhainahuaqlutikluuniit ihuaqtukkut aulattiaririamik havaqatigiighutik.

Talvani **naunaqhihimaghatit unniqluutininik** havauhiigut titiraqaktut inuunialattiyut unniqluutainik. Taamna atanguyaq ihivriughitilugu unniqluutininik, ihumaliuqtughallu qanuriliuriaghaanik qilamiuqlutik amiritillutik ihivriughitillugit, piqaqqat.

Havakvingnit maligaghaliuqhimayuq ayuqnaittumik ilittuqhiitititigughaq qanuq ihivriuqhiyut havauhiit ilitturinnainniaqtut. Taimaa apiqhuiplutik taapkuanginnait tautughimayut hivumuqtittiyaamik ihivriuqhiyut, taapkuvalu ilauyut ilihimattiaqtughat havauhiqnik naunaitkutallu ilitturinnaittughat.



Munariplutik ilingnik:

Ikpigiyaulluaqpaktut, kiutjutaulluaqpaktut, ihuaqtullu uqauhiit:

Havauhilluanguyuq naunaiqhitiqmut inuunialattiyut unniqluutainik taimaa ihivriuhiplutik, ilittuqhitiqniklu paqittiniqmik havauhiqnik. Ihivriuhiyut katimaviit ilvillu, inuunialattiyuriyauyuq, tautughimayullu katimapkaivangniat havakvium iluani Havaktighaliqiyinit, hilataanilluuniit taapkunanngat havaktitauhimayunit ilihaqhimayumik havaktighaliqiyit ihivruqtainik.

Ilauplutik katimayunut unipkaariamik naunaiqhitiq ilittuqhitiqviinnarialik titiraqhimayarnik unipkaaqhugu hulyauhimayuyq. Ilaani ihumaalungnaqniaqtuq unagunaqhulunilu, ahiagulluuniit, tautungniarunaqhiyat hakugighautitut “uqauhiqariamik uqauhirnik” takulugu havauhiq hivumuuqtittiyutut. Ilittuqhitiqvihaqarniaqtutit ikpigiuhuutingnik; ilittuqhitiqvitugit qanuq hulyauyimayuyq ikpingnautihimayuyq ilingnut, qanuqlu ihariattiyaarnik amirnaiqhimayaami havakvingnit.

Nutqallaklutit ihivriuhiyaamik titiraatit, kihimi mamiahuktitauguvit ayuqhaliruvilluuniit, ikayuqtighaqhiuqlutit ikayuqtingnit. Ilaani ilangi inuit piniqhimayutut ihumanaqut huluhimayainut apiqhuitillugit nipaagulluuniit ihivriuhiyum.

Ihumagiplugit Inuit Pitquhiinut Ikpingnautit ikayurahaqhugit parnaiyaiplutiklu (*pijariursaniq*) ihumamingnik, ikpiguuutainik timitigullu katimayaamik. Inmingnik munarittiarahaqhutik; uqaqatiqariamik inungmik unipkaariyaamik ikpigiyaatit, ihivriuhugit titiraatit, nakuuyumiklu inmingnut uqautiplutik, aghuurnaqtut katimatinnatik. Takulugu *Ihumaqattiarniqmut Ikayuqtit Pivighait* makpiraq 23-mi.

Ilihimaluhi taimaa naunaiqhitiqut havauhiit hanaqiyautillugu, ilitturinnaittuq havauhiq; unipkaarittailugu inungnut unipkaariyauhimayut katimatillutik, ahinikluuniit inungnik. Ayuqnaqhikpallaqqat, ikayuqtighaqhiuqlutit aanniaqtuliqiyinit ukpiriyarniklu inungnik ikayuqtitit ilingniklu munarinahuaqlutit.

ITQAUMALUTIK: Katitiqhutik itqaumayarnik

Ilingnik apirilutit hapkuninnga:

Naahurittiaqqit ilittuqhitiyaamik naunaittugat hulyauhimayunit inuunialattihimayunit?

Kitut naunaiqhitiqimut ihuilutiqaqqit?

Kitukiat pivighauyut titiraqhimayut ataanit ikayuutauniaqqat qitukpaalliqniqmut hapkua atuqtautillugit?

Ayuiqhayut Qanuringaniinik Ihivriuqhiyunit



Hunat ilihimayaghatit:

Amihuuyut inuunialattiniqmut maligaghaliuqhimayut ilitturinnaittunik naunaiqhitiqaqtughat ihivriuqhiyunit iliqahiutilugit hapkua:

- havauhiit iniqhimayait hivriuqhiyim ihivriuqhitilluni;
- naunaitkutat piyuriyauhimagayunut;
- naunaitkutat piyuriyauhimagayum kiutjutainut piyuriyauhimagayunut;
- naunaitkutat naunaitkutanut piyauhimagayut tautughimagayum apiqhuutainit;
- ahiniklu naunaitkutanik katitighimagayut; taapkualu
- ihumaliuqhimayut havakvingnit inuunialattihimayaamingnik pimmaqluktittihimayaamiklu.

Taamna maligaghaliuqhimayuq ilittuqhitiniaqtuq qanuringaniinik ihivriuqhiyut ilittuqhitiyauluni ilingnut piyuriyauhimagayumullu. Naunaiqtitauniaqtutit atannguyanit Havaqtighaliqiyinillu taapkua ihivriuqtauyut iniqhimalirumik. Ilitturinnaittaamik, naunaitkutat avaliittumik tuniyauyuittuq ilingnut piyuriyauhimagayumullu. Talvuuna taiguuqtitaulaittutit naunaitkutanik ihivriuqhimayunit. Naunaitkutat pitquyauhimagayullu atannguyam piyaghait hanaqiyaghariyaillu. Kihimi tuniyauniaqtutit naunaitkutanik ilihimaliqtauyunik.

Ihivriughiyunit ilihimayaukpat taimaa inuunialattihimayut havakvingnit, atannguyaq ihumaliuqtughaq qanuriliuriaghainik inuunialattiyumik havakviit amiqnaiqhimayaami aanniaqtailiyaamilu. Una ilagilaaqtangit:

- mamiahuutingnik inungmut ikpiguhuktitauyuq;
- uqautjiyiqarluni/ilihagtitauni havakti ihuinaaqhimayuq;
- titiraqhimayukkut amiqhiquilugit havaktium titirautainit;
- aallannguqtihimayut naunaiqhitiyut havauhiinut;
- ilittuqhilitugit ikayuutighanut;
- havaguiqhimallaklutik anitaulutikluuniit havaamingnit;
- aallamik havaaghaniktittilugit ahinunngaqlugilluuniit nunallaarmut; taimaaluuniit ahinik havauhiqnik atannguyam naammagiyaanik.

Taamna atannguyaq ihumaliuqtughauniaq aallannguqtiyaghanut havakvingnit. Taimaatut, havagijaffaaqyauniaqtutit mighuuqlutik, ikayuqtaulutik uqautjiyimk. Taimaaluuniit havaqyauniarungnaqhiyutit ahinit havakvingnit ahinit havakvingnit.

Ihivriughiyit naunaitkutainit pimmaqluktittiyuqanngittuq inuunialattiyunikluuniit, ayuqhautiqarnaittuq ilingnut unniqluutitut taamna unniqluutik tuhaqtitauihimagumi “ukpiruhuttiaqhutik”. Talvuuna unniqlughimaguvit piyumainnaqhutik iqqutjihimaplutillu, taniqtauniarungnaqhiyutit.



Munariplutik ilingnik:

Ikpigiyaulluaqpektut, kiutjutaulluaqpektut, ihuaqtullu uqauhiit:

Hapkua niriungnaqhilaqtut unagunaqhilitikluuniit taamna naunaitkutaq ihumaliuqhimaniarami inuunialattiyut hulihimayainut.

Pitquhiqtut ilihimayumaniaqtutit qanuq taniqtauihimaaghat, kihimi atannguyavit unipkaarutilaitait. Pitquyauhimayut havauhiilluuniit atannguyamit ilitturinnaittut havaktinut atannguyamullu. Havakvingnit aallannguqtiriquigumik, atannguyam ihumaliuqtaghaat qauyihaglugu atuqtittiluguluuniit, piyumakpat. Atuqtittiyut naunaitkutanik pilaaqtuq, pittaililuniluuniit, nakuuhilugit ihariagiyatit, timitigut ihumangnullu.

Ihumavangniaqtutillu taimaa havaaghat taimaaqlugu ahinut havaaghaqhiuqlutit. Aghurnaqtuq hakugighariamik hivumuqpalliayaamik (*sivummuarniq*) ihivriughitaarumik. Unipkaarilugit ikpigiyatit atannguyallu ikayuqtitillu. Hapkua tamangnik ikpiguhuutit ihumagiyatillu pitquhiyut, aghurnaqtuq kihimi unipkaariyaamik ikpigiyatit kiutjutaulluaqtullu ihuaqhaiyaamik.

Aghurnaqtuq aulattiaqhimayaamik ayuittutut havaktitut tamaat. Ikpiguhuutit ihumagiyatillu ayuqhautaukpata, qaritauyakkut tuhaqtittiyikkut unipkaaqtailugu inuk, atannguyait havakviillu. Hapkua atuqtauyut ikpingnaqhikpata timingnut, aanniaqtuliqiyinit munaqtinik ikayuqtighaquiqlutit. Takulugu taamna “*Nakit naunaiqpaalliriamik ikayuqtauyaamiklu*” makpiraq 22-mi qanuq ikayuqtighaquiuriamik.

Ihivriuqhitaqqata



Munariplutik ilingnik:

Ikpigiyaulluaqpaktut, kiutjutaulluaqpaktut, ihuaqtullu uqauhiit:

Amihuiqtuqhutik atuqtauyunit, inuit unipkaarumayut atuqhimayainik, illitturiyauyumaplutik hulyuqaqhimayunik, mamiakkutaqhitinik tuhaqlutik. Ihumaniaqtutit taimaa naatkutigiiqhutik ihuaqhaihimayutit, taamna inuk taniqtauhimaliqtuq ihumaalungnaiqluni ilingnut, hivumut ingilralutillu. Kihimi, naunaitkutat piyumayatit qitukpallagiamiluuniit qanurininganiinit ihivriuqhilraaqhutik naunaiqhitilraaqhutiklu. Ihumaniaqtutillu taimaa hulyuqaqhimaittuq ihuaqhaiyaamik nalugangni qanuq taniqtauhimayut. Ilaani atuqtauyunit, ahiagut havauhiqarialgit taimaa tuhaqtittiyaamik ihuaqhaiyaamiklu.

Hivullit unniqluutit iniqhimaliqhutik, unniutjiinnariaqaqtutit illtuqhitlugit ikpiguhuutinik ihariagiyarniklu illturinnaittukkut havauhikkut. Ikayuqtit havauhiit ihuaqtukkut utiqittinahuaqpaktuq havaktinik tamangnik ilaayut angiqhimagumik. Ihumaniaqtutit taimaa havaqatigiiktut (*pilliriqatigiingniq*) ukpiruhuutiyullu (*tatigiingniq*) ihuittukkut ihuinaaqhimayuq havakvingnit, talvuuna katimaqatigiyaamik, unipkaaqtigiyaamik ihariagiyait inirumayailu ukpiruhuutigigiamik nakuuyumiklu havaqatigiigiamik, aghurnaqtuq. Ihaqhaitjutighanik katimatjutigilugu ikayuutauniaqtuq hakugingniillu (*aniguiniq*) ilihimattiaqhugu hulyauhimayuq, angiqhimaplunilu qanuq hivumuuriamik, taimaa ikayuqtighaqariaqnik, aularaattiarniq tuniqhimalutillu qanurininganiinut hulyauhimayunullu hulyuriyauhimayumut.



Hunat ilihimayaghatit:

Ihumaguvit taimaa havauhiit ihariagiyarnut naammangittut, ahiagut havauhiqaqtuq uuktuqtaghatit, taapkualu maligaliqiyit. Uuktuqtaghaqaqtuq ihuaqhainahuariamik apiqhuyikkut. Ilaani atuqtauyunit, ihumaaluutit tuhaqtittinnarialik taapkununnga Nunavunmi Inungnut Pitqutigiyayunut Ihaqhaiyit. Taimaatut, ihumaaluutauyunit inukluhuktunik inuunialattihimayunik. Hapkua uuktuqtaghat ihumagigupkit, unipkautiyumaniaqtatit apiqhuyit kivgaqtialu. Takulugu taamna "Nakit naunaiqpaalliriamik ikayuqtauyaamiklu" makpiraq 22-mi qanuq ikayuqtighaqhiuriamik.

ITQAUMALUTIK: Katitiqhutik itqaumayarnik

Ilingnik apirilutit hapkuninnga:

Kina havakviptingnit havakvingniluuniit ikayuulaaqqaatit ihivriqhitaarumik?

Kina uqaqatigilaaqqiuk ihuaqhaiyunit ikayuutighanik ihumaliuqtunik havauhittianik hulyauhimayuniklu hivumut ingilraplutik ihivriqhitaqqata

Ihumavit taimaa ihariagiyatit naammaghiyayut?

Nakit naunaiqpaalliriamik ikayuqtauyaamiklu



Apiqhuyunit ikayuqtit:

Pivghaqaqtuq atuinnarialgit Nunavunmi maligaliqiniqmut naunaiqhyaamik ihuilutitut. Taapkuanguyut:

Tapkuat Maligaligiit Kivgaqtit Katimayit

Nunavutmi: uqaqatigiinnarialik apiqhuyit kivgaqtianik talvani Apiqhuyit Ikayuqtiit maligaliqiniqmut naunaittariamik ihuilutitut uuktuqtaghanullu.

- o Kitikmeot Maligalirivik Havakvik: 867-983-2906 UVALUNIIT 1-866-240-4006
- o Kivalliq Maligaliriyit Kivgaqtit: 867-645-2536 UVALUNIIT 1-800-606-9400
- o Malliganik Tukisiiniakvik Maligaliriyit Kivgaqtit: 867-975-6395 UVALUNIIT 1-866 202-5593
- o Qaritauyakkuvik: nulas.ca

Nunavumi Maligaliuqtit ikayulaqtatit nalvarniq hapunniaqtimik.

- o Akiittukkut hivayautikkut: 1-844-979-2330
- o Inuktitut Akiittukkut: 1-888-990-4665
- o Iqaluit: 867-975-2120
- o Qaritauyakkuvik: lawsociety.nu.ca

Nunavunmi Inungnut Pitqutigiyayunut

Ihuaqhaiyit naunaiqhitilaqtut qanuq titirariamik naunaitkutanik mighaagut inuit pilaarutainut inukluhuutiniqmut ihuinaarutit.

- o Akiittukkut hivayautikkut: 1-866-413-6478
- o Akittukkut kayumiktukkuurutikkut: 1-888-220-1011
- o Qaritauyakkuvik: nhrt.ca

Nunavut Apiqhuiliqijinut

- o Ilagii Maligainut Naunaitkutut:
867-975-61344
- o Nunavunmi Ataniqtuqatigiingnik Ikayuqtit:
867-875-6137
- o Qaritauyakkuvik: nunavutcourts.ca

Havakviat Nunallaarnit Maligaliqiyit

ikayulaaqtut ihuaqhaiyaamik ihuilutinik ilitquhituqhutik ihuaqtukkut.

- o Hivayaut: 867-975-6308
- o Kayumiktukkut: 867-975-6160
- o Qaritauyakkuvik: gov.nu.ca/justice

Ihuinaaqtauhimayut Ikayuqtiit akiittuq ilitturinaittunilu ikayuqtiuyut ihuinaaqhimayunik naunaiqhilitaaqhutiklu ihuinaaqtauhimayum apiqhuutikkuurutaunik, naunaitkutalluaniklu ihuinaaqhimayut maligaliqiniqmut havauhiinik tikkuqaqlutiklu ahiittunut nunallaarnit pivighanik.

- o Hivayaut: 1-866-456-5216
- o Qaritauyakkut: victimservices@gov.nu.ca
- o Qaritauyakkuvik: gov.nu.ca/in/maligaliqiyikkut/programs-services/ayuqhaqtitauyunut-ikayuutikhat

Ihuinaaqtuliiqiyit Ikayuqtit Kanatami –

Ihuinaaqtauhimayut Ikayuqtiit naunaiqhivitaktut ihuinaaqtauhimayunik aanniqtauhmayut ihuinaaqhimayumit itiqtauhimayuy malrungnik amihunikluuniit ukiunik taimaatut naunaitkutainik ihuinaaqhimayum itiqtauviillu havauhiinik.

- o Hivayaut: 1-866-806-2275
- o Qaritauyakkuvik: csc-scc.gc.ca/victims



Aanniaqtailiniqmut Inuuhiqattiarniqmullu Pivighanut Ikayuutit

Aghurnaqtuq tuhaqtittiyaamik ikpigiyatit timingnullu mihingnautinik ilitturihimaliqtatit huliyaahimayunit. Ukpuruhuguiqniaqtutit (*tatiqarunniirniq*) ilingnik ihumaliugaqnik, avaliinngaaqlutit havaqatitillu katimaqatigihuiqniaqtatit, ilatillu nuatqatilluuniit. Kihimi, aghurnaqtuq atahiuuyaamik (*atausuatigiiingniq*) atatayaamiklu ahinut ikayuqtinut. Talvuuna, ihumagilugit ukpirnaqtut inuit uqautilaaqtatit unniutjaulutillu. Hapkua inuit taapkuanguyut:

- Ukpriyat havaqatit
- Ilannamnit
- Ilatit
- Inirnikhaq
- Uqautjijit ikayuqtit

Aanniaqtailiyaami inuuhiqattiarimilu, aghurnaqtuq ikayuqtighaqhiuriami qilamiuqlutik. Ikayuqtilluanguyut taapkuanguyut:



Ihumaqattiarniqmut Ikayuqtit Pivighait

Uvamnik Pittiaqtunga Ayuiqhaqvik

naunaiqhivitaktuq ilihautighanik ingilrutinik talvuuna inuuhiqattiaqhutik nuliarniqmik ilagiiktunit.

- o Qaritauyakkuvik: irespectmyself.ca/en/home

Havakviat Munaqhiliqiyitkut (Inuuhiqattiaqluhi Ayuiqhautit) naunaiqhivitaktuq ihumaqattiarniqmut ikayuqtinik.

- o Hivayaut: 867-975-5700
- o Qaritauyakkuvik: livehealthy.gov.nu.ca/in/node/926

Iqimmilugu Inuuhiq Katimayit aallatqiingnik pivighalgit ilauyut pimmaqluktittiniqmut inminiiqtailiniqmullu.

- o Ihumaqattiarniqmut Ikayuqtit: inuusiq.com/resources/mental-health/overview/
- o Inminiiqtailiniqmik: inuusiq.com/resources/suicide/

Pauktuutit Inuit Aqnait Kanatami timinga

piqaqtitiyut tuhagakhat ningaqaunaq pittiangaunaq pittaillit, aaniaqtailiniq pinahuaqtitnilu inuliquitit maniliurutitlu piqatauni Inuit aqnat.

- o Hivayaut: 613-238-3977
- o Qaritauyakkuvik: pauktuutit.ca



Akhurnaqniq Uqautiyitlu Kivgaqtutit

Nunavut Kamatsiaqtut Ikayuqtauqvik

Hivayutaat ilitturinaittumik ikayuqtauivaktut hivayautikkut Ukiuqtaqtumiunut ayuqhautilgit.

- o Hivayaut: 867-979-3333
- o Akiittukkut hivayautikkut: 1-800-265-3333

Mamihagtut Unipkaaqtut Ayuiqhaqvik

ikayuqtauivaktut akiittumik uqautijplutik 22-nik ikayuqtauvighanik ikayuqtimit.

- o Hivayaut: 867-975-5367
- o Qaritauyakkut: healing@gov.nu.ca

Nunaqaaqaaqhimayut taapkualu Inuit Naahuriyait Inuuhiqattiarniqmut Ikayuqtit Hivayutaat ikayuqtuivaktut 24-nik ikaaqqinik angmaumaplutik uqautjiplutik ayuqhaqtunik tamangnut Nunaqaaqaaqhimayut inungnut Kanatami tamaat.

- o Akiittukkut Ikayuqtit Hivayutaat: 1-855-242-3310
- o Nunalikni Havagutit: 1-866-509-1769

Akhurnaqtukkut Titiqvik Hivayaut piqaqtitni uqautyiniq titiqaqniqut tuhaqhitautit.

- o Titiqniq "Home" (angilraq) talvunga 686868 uqaqatiqariaq ilihaqhimayumik Akhurnaqtukkut Hugiaqti

Ayuqhaqtut Ikayuqtiit Kanatami amirnaittumik unipkaaqqivghalik 24-nik ikaaqqinik upluq tamaat.

- o Hivayaut: 1-833-456-4566
- o TAIMAALUUNIIT titiraqlugit "Start" (aullaqtiqlutik) talvunga 45645 (4:00 ublukkut tikitlugu 12:00 ublaakut)

Nutaqat Ikayuqtiit Hivayautaa ikayuqpaktut inulramminik inungnik ihumaqattiarniqmut/ ikpiguhuutinullu, ilagiingniqmik, inminiiqtailiniqmik ihumaaluktittiyuniklu.

- o Akiittukkut hivayautikkut: 1-800-668-6868
- o TAIMAALUUNIIT inungmikuqaqatiqarlutik talvani kidshelpphone.ca

Pittiaqtaunngittut Arnait Ikayuqtit Hivayutaat ikayuqtiqaqpaktut 24-nik ikaaqqinik tamangnut arnaqnut pittiaqtauhimaittut.

- o Hivayaut: 1-866-863-0511
- o TTY: 1-866-863-7868

Nunaptingni Itqiliit Aullaqtitauhimayut Ilihaqvingnut Ikayuqtit Hivayutaat

ikayuqtiqaqpaktut ilihariaqhimayunik itqiliit aimavilingnik ilihaqvingnit.

- o Hivayaut: 1-866-925-4419
- o Ihuaqhaitjutighat Aanniaqtailiniqmumut Ikayuqtit: 1-866-509-1769

211 Akiittukkut quyagitnaqlu tuhaqtaulaittut kivgaqtut atapkaqta inungnut ilagitlu, ilautitlugit Nunavummiut, piqaqtut inuliquitit kivgaqtutit nunaligiyaamingni. Hivayautit kiuyauyut 24 ikarat qau tamaat, 7 ublut havaguhiqmi.

- o Pitarianga tamna kivgaqtut, hivayaqlugu 2-1-1 uvaluniit takulugu 211.ca

Ihuaqhaitjutighat Aanniaqtailiniqmumut Ikayuqtit

- o Hivayaut: 1-866-509-1769

Kavamatkut Nunavut Havakti Ilagitlu

Ikayuqtauni Havaguta Hanatyuhikhaliuqhimayuq ikayurianga Kavamatkut Nunavut havaktit ilagiyailu ihuaqhihimani tamnalu/uvaluniit nakuuhigiaqni tapkuat tamaita inuuhiriknit. Havaktit Ilagiiitlu hivayalaqat tamna nappaa 24 ikarat ubluqmun, 7 ublut havaguhiq pitarianga inminut uqautyiyi Qablunaatun, Uvitiit tamnalu Inuktitut tukhiqat.

- o Akiittukkut hivayautikkut: 1-800-663-1142

Pinahuaqni Inuuhirikniq Ikayuqvik Hivayaqvik

Qilamik 24/7 uqautyiniq akhurnaqqinlu pittailinit kivgaqtut tamaitnut Nunaqaaqatut inungnut humiliqak Kanatami. Uqautyaniq piyaulaq Inuktitut tukhiqat.

- o Akiittukkut hivayautikkut: 1-855-242-3310
- o Nunalikni Havagutit: 1-866-509-1769

Ilisaqsvik Katimayit Qablunaatun tamnalu

Inuktitut uqaqtut uqautyiyit atuinaulat 9:00 ublaakut tikitlugu 5:00 ublukkut Hannanngaut tikitlugu Tallimiut. Piqariplutiklu 28-ublut nunamitniqmum aturumainnarnit ihuaqhaqtauni havagutit.

- o Hivayaut: 1-888-331-4433

Pulaarvik Kablu Ilannarikniq Havakvia

Tamna Kangiqhiniqmittuq maniliurutaungittuq inuuhirikniq havakvia pipkaiyuq allatqinik ihumaliquitit aaniaqtailiniq aturumaitnaqnitlu havagutai humiliqak Kivalliqmiuni.

- o Hivayaut: 867-645-2600
- o Akiittuq Inuktitut Ikayuqtit Hivayutaat: 1-844-654-3580
- o Aipaqmun Pittiangitniq Uqautyiniq Havaguta: 867-645-3785
- o Qaritauyakkut: info@pulaarvik.ca

Sailivik Upaktauvik havakvik talvani Pangnirtung inirniqnut imiruiyarumayut, uvaluniit inirnit piqartut uvaluniit piittut nutaqanik qiniqtut hivuranailumik nayuqtakhamik.

- o Angmaumayuq 5:00 ublukkut tikitlugu 8:30 ublaakut.

Tukisigiarvik Havakvik Upaktauvik havakvik

talvani Iqaluit pipkaiyuq allatqinik nunalikni inuuhirikniq havagutai, ilautitlugit atauttimi ubluani uqautyaniq takuyavit.

- o Hivayaut: 867-979-2400 tuahqpalliriami.

